

原
獻
詩
錄
卷下

506705
109

原獻詩錄卷下

知縣焦雲龍鑒定

邑人賀瑞麟編輯

李

瑛

見邑志

田父

種稻當種秔種稷當種秬種秔十畝奇種秬百四十秬熟常得
酒秔熟常得飯所憂不近爲慮當及遠入門各有室出門各
有營征人念途長田父願年登一年偶不登種秬不如秔

送客

送客村西門遙見終南山客不如我嬾我不如雲閒白雲住紫
閣我獨佳人間

宋徽宗金盆浴鵲圖二首

書畫真成癖蒼生奈若何端王厚重少教主藝能多春殿圖鵲

鴿燕山度橐駝他時居五國會否憶宣和
飛集皆神肖眞堪供奉班風毛沾雨露雪爪約金環祇合藏天府
何由出外間相看剝落色爲憶宋高顏

謝客索像贊

嬾人避席拊髀掉頭謝不能何以贊汝捫天倒海之鯢鵬激電
搏風朔雲起奔雷鼓浪雪山崩予忖度之安所憑駿骨騰驤開
縞素必逢伯樂許一顧嘆君索之尋常人刻劃海鵠定成鶩不
是海鵠焉足慕

野水

野水穿林入午烟出竹斜綠窗十日雨對此一園花淡墨作欒
脚清泉烹穀芽新醪看又熟何處覓生涯

偶寄

愧爾有心者爭爲無益愁
嬾甘消白日愚不省丹邱
憐笋思添檻愛山欲住樓
春寒除未盡手自護衣篝

偶成

門掩鶯聲裏蕭齋樂事賒
病無礙鋤笋懶不廢煎茶
野茵新添耳子薑近有芽
風光春去後依舊屬誰家

楊

舒

字參董布衣有
疾齋集今佚

七夕

最是可憐夜流螢欲坐衣
樹間聞激楚天上看支機
秋雨蟬方沒春巢燕未歸
新涼拂枕簟清思滿荆扉

李仙蕃

字崑山號竹逸國子生受詩於漁洋高
弟郎廷槐尤善集古有梅竹居小草

訪張炎南不遇

杖藜城東郭言訪玉川屋
聞君昨日來乘興索詩讀
不見戴安

道卻逢沙太穆徑通四面山門掩一園竹浩歌無所託歸就籬
邊菊

夏夕

一簾潤物雨向夕散清涼戲鳥喧花鳴游魚泛柳塘雞棲當逕
樹犬吠過鄰牆稚子進雙履老妻除半妝披風消夜短待月引
杯長自得幽居樂何知兩鬢蒼

晚晴

向夕薰風度遊雲帶雨歸水花供客釣山翠溼樵衣霽潤池蓮
舞霞蒸野鳥飛晚涼恣逸興弦月款柴扉

梁履中

字德安諸生
有敬堂集

西章堡早發

百里行來興已闌嵯峨西望入雲端夢魂最怕宵鐘破行客還

愁曉露寒羸馬霜蹄踏月落鄰鷄野店喚星殘當年幾涉江湖
險此日方知蜀道難

過幽人居

楊杜村邊樹影西何人鍵戶獨高栖門前惟有東流水藤蔓無
聲野鳥啼

張藻

見邑志

烈女范雙姐其父以壻寒強之改字夜半潛投溪水死

天不諒人只自歎夢回拭淚聽更殘汨羅千古同心曲葭莢蒼
茫一水寒

張榘

字青柯國子生與張岫張濂爲詩友早卒

古意

崑山一片玉佳人一片心持以贈君子重過雙南金佳人渺何

許高樓重簾深況復如奔月緬邈隔雲岑願言翠羽帳一鼓龍
脣琴

杜工部祠

少陵原上望高秋駐馬荒祠竟日畱忠愛競傳詩史獨文章惟
許謫仙儔千章古木濃陰合一帶山光暖翠浮此地吟魂應不
泯年年來往曲江頭

長陵懷古

馬上飛龍佐乃公殿前功狗困羣雄山河有分歸隆準今古無
人續大風二水帶圍松柏路陵在涇之南渭之北諸陵星拱鼎湖宮原上五陵
錯列豎儒漫說閒邱隴祀典皇家累世崇

申鵬祥

字扶九諸生有登音集

蠹魚

不向江湖老偏從簡牘居縹囊鑽錦繡翠軸曳瓊琚飽食鳳銜
字安眠麟吐書可憐秦火後不異首陽墟

對鏡

蕭索秋雲冷光微晨日瘦衰顏入鏡中不止波斯皺

李之藜

字士晉號少澗舉人好學
能詩早卒有綠槐草堂集

稷山后稷廟

一徑盤迴上蒼松萬顆圓晴峯停午日深殿鎖寒烟共識封邵
處長懷播穀年衣冠頻整頓肅拜白雲邊

次韻九畹書齋落成

未始逃名十畝閑也非冠挂籍全剛襄陽久有耽山癖茅屋新
成石丈閒

長將著述度陰晴問字人來屢半庭曾向新齋讀新集十年始

悔未窮經

李家麟

字仁哉戶部員外郎

秋柳四首

淅淅秋風欲斷魂
蕭條殘影拂衡門
何時再綰黃金縷
此日空餘翠黛痕
斜月一林搖別浦
暮蟬千樹咽荒村
風流去矣知多少
轉眼繁華未可論

千條萬縷度寒霜
一夕西風過曲塘
漢苑隋堤齊倦眼
新詩舊句已盈箱
拖殘野迳思陶令
舞瘦宮腰怨楚王
借問永豐園裏樹
何如文杏滿春坊

春花曾記點人衣
過眼風光久已非
灞岸遊魂徒自杳
郵亭客夢未全稀
聲隨漁唱千江落
影逐樵歌一葉飛
爭奈小橋流水地
長條折盡苦相違

弱態迎人最可憐夕陽林下起寒烟空懷十里堤如畫不見三
春絮似綿走馬全殊京兆日斂容漫較省郎年愁看河畔含情
處萬木蕭蕭落照邊

申廷鑾

字幼輿歲貢
有于野集

答九畹

才士重詩律醇儒敦經術所分惟重輕源流合爲一詩爲經之
華經乃詩之實未聞蔑經人賦詞稱藹吉古者陶與韓五字雄
無匹伊豈事專攻窮經極理窟譬如木千章枝葉互稠密倘非
植根深何克陰蔽日再觀東南流脈絡固紛出星宿海涸西吾
恐乏點汨奈何吟哦家動輒誇手筆效顰靡不爲敗絮類壞橘
吾鄉彭城子經袖聳仰止典墳發其英爰象觀元始寢饋資百
城興來賡角徵有時賦高山泰岱腕下起有時賦流泉毫端露

清泚賞鑒來宗工
澹人秦學使經庫
頌前身西嶽雲著
美吳髯富篇章刻
翠翦紅蘂三十六
金鱗龍門接彌邇
偈和資攻磋近益
窮神髓惟予託葭
苒有心學杜李明
經未窮經著述盡
糠粃操觚向元都
步步避軍壘龍也
忘點睛虎畫徒滋
恥吾謂揚草元兩
漢無學士吾謂遷
編年千秋無信史
三百有功臣峩峩
華峙默與詞壇盟
斯人不可死

籠中百舌歌

百舌拚飛鳥羅網困頑童
偶從弋人手內買掛向楚
客茅屋東茅屋之東日
腳下報春聲音倍玲瓏
茅屋之西日影上報春猶
不休喉嚨花明疑共金衣
語霜落響逐雁陣中有時
哀鳴向碧落有時囁呼趁
東風胡爲乎以爭捷鬪巧
之如簧舌而使翦羽拂翎
常羈乎樊籠細推物理三
嘆息古今族類無乃同不
見金

鎖鎖鸚鵡難逃黃祖之簾櫳又不見剪斷巧舌有鵲鵲困依荆
州桓豁宮欲學高飛附鵬背不能凌霄而上翀思擇一枝以翔
集又讓鷦鷯之小蟲舌端縱兼千百鳥入聽總乏尺寸功主人
新從平原過斗酒陶情學耳聾爾語雖極巧爾音亦枉工嗚呼
噫嘻無乃爾數窮安爾素分飛鳴宿食一付之乃公

屏跡

放浪從吾懶依棲祇故林菊分春後雨柳坐夏初陰午夢因詩
醒宵眠爲酒深閉關消永晝塵意莫相侵

聞蟬

突驚秋意動嘒嘒起長林日月催人老炎涼閱世深感懷同旅
雁破夢過清砧已少插冠興空勞抱葉吟

意

無端幽意上靈臺款段競從寤後來細比蠶絲抽不盡纏如蛛
網解難開惟經隔膜心偏見卽是同衾客漫猜過去追尋無可
訊啞然一笑暗徘徊

邵平店懷古

行人神倦東陵道歇馬長亭問舊遊地接瓜田人憶邵天移秦
祚爵非侯都城尙望函關月繡嶺仍含灞水秋欲弔英魂雲漠
漠燈殘酒冷不勝愁

曉涼憶阿捨作

梧桐院冷德禽早開戶迎秋感懷抱簷前喜鵲引新雛櫺房綴
子垂垂好羽滿雛強已高飛葉護紅苞甯畏槁金風穿樹驚芻
尾透我肌膚飄素縞昨夜東鄰送清砧匹練臨風巧婦搗時平
知非理征衣應爲撫摩勤浣澡我有愛子甫三齡飴犢不啻懷

中寶生逢晚歲值艱辛髮未燥時耶已老兒饑兒寒徒縈心索
衣索食室人惱吾聞少陵北征時兩女補綻漆悔懊袒褐典盡
完倉糧難收清風真潦倒仰觀秋日正皦皦似照黃口捉襟小

木槿花歌

咏蜉蝣而觀木槿頓添當局之悲憤大劫本自浩浩長物類自
卽於天傷縱爲大椿亦有盡奈何甘學薄植之采章胡爲朝而
暹乃英暮遂感我情豈有飛雪摧靈秀翳惟柔質不能自持厥
權衡不見夫徂徠松傲嚴冬新甫柏骨格格歷盡冰霜葉不摘
蒼崖爲屏幽谷宅嗟爾木槿欲何爲我一見之涕泗垂

雨夜小酌

淺淺杯浮綠茅簷夜雨懸一尊牢落酒暫破寂寥天蟲語誼虛
壁燈花結紫烟秋槐飄蕩處旣醉亦悽然

遊西河張氏別墅

薄暮呼朋野墅遊，隔谿爭渡釣魚舟。
門臨碧澗春陰晚，屋枕蒼崖古洞幽。
樹影花光真錯落，雞鳴犬吠最風流。
人間也有桃源景，莫羨當年杜若洲。

病馬

龍媒骨瘦事堪嗟，追溯無人憶渥洼。
齒老尙能知道路，力殘還未困泥沙。
絡頭長畏秋風急，繫櫪頻驚白日斜。
悵望燕臺何處是，哀鳴擬欲向誰家。

雨中感興

羞將志業老繩牀，電掣雷驅亦太忙。
冷落天心雲淡淡，飄零世事雨茫茫。
迷人名利皆塵夢，息壤乾坤一醉鄉。
座外霏微如有意，隨聲譜韻補宮商。

夜坐偶成

老卻書樓志不更春華實綴待秋成
爐烟鼎火都無賴鍊馬金雞盡有聲
螢尾暗臨三徑小月光虛傍九霄明
徘徊斗室天難曉露下寒空夜氣清

春日過樊園經舅氏故居

五十年前遊嬉地偶憑春興再來時
空庭改盡巢梁燕老樹凋殘抱柏枝
荏苒風光吾已老優游花草此偏宜
渭陽舊舍壺山近總角相交應共知

劉戒亭貽續集賦贈

手沐薔薇露倍清重披五字見長城
洪流預衍支流派乳鳳新翻老鳳聲
響接宮商音一片歌惺魂夢月三更
雞林價重渾閒事擬入承明續兩京

落葉

飽酣清露舞林梢嫩綠新黃色暗交一自寒風生丙夜幾番玉
影墜荒郊詩人拾得難題句禁水流來誤解嘲卻憶徂來千萬
樹深秋翠蓋未全拋

李之蒙

字士正附貢之繁弟
也有雲籬山館集

哭少澗伯兄

幼子未成名弱女懷未釋胡爲別家人竟爾登仙籍棣萼情深
數十年一朝棄我隔雲天愁來倚遍庭中樹欲見不見淚潸然
淚潸然血痕殷彷彿衣冠似舊顏悠悠逝如東流水杳杳遠於
海外山惟山則高凌霄漢惟水則深波浩漫山高水深知何處
華表不歸坐長嘆漢武唐明覓仙方海上蓬萊徒渺茫當時若
有不死藥至今人人費長房